

manorum regi: quorum nuptiae magnae et honorabiles in civitate Mediolani sunt celebratae; quibus interfuerunt Faventini cum Bononiensibus et aliis de societate Lombardorum.

Quando civitas Ierosolyma capta fuit a Saladino [a].

CAP. XCIX.

Denique anno Domini MCLXXXVII capta Ierusalem et pene tota terra Ierosolymitana a Saladino; ut ceteri principes Christianorum de mandato Romani Pontificis ad ipsam terram recuperandam vigilarent, modis omnibus laborare studuit Imperator.

Quando Saladinus regnum Ierosolymitanum cepit, praeter Tyrum et Tripolim.

CAP. C.

Per idem tempus [A] Saladinus in regno Damasci potenter regnabat. Hic quoque Saladinus, filius naturalis [B] Norandini de Damasco, mortuo patre, totum regnum fratribus abstulit, et quos postea capiens ceteros enervavit [b]. Cum autem plura sua prudentia [c] acquisiverit regna, et terram repromissionis optaret super omnia, fretus praedicti [d] comitis Tripolis hortatu atque consilio [e], anno Domini MCLXXXVII, cum infinito exercitu fluvium Iordanis transivit, capiens praeterea villas atque castella; et civitatem Tabariae hostiliter destruxit. Quae audiens rex Guido, turbatus est ipse [D] et tota Ierosolyma cum eo, et maxime quae per totum biennium nec Italici nec Ultramontani transfretaverant, Guilielmo rege Apuliae prohibente, propter exercitum quem miserat in Graeciam [e]. Prudentibus itaque, tam militibus quam peditibus, de toto suo regno congregatis, rex Guido in districtu civitatis Acon, quae dicitur Acri [f], obviam exivit inimicis, et die xxiii Junii juxta fontem qui dicitur Tuliania [g], cum

[a] a Saladino. Sic lego cum C. V. In C. M., a Satino. — [b] ceteros enervavit, C. V. In C. M., num legendum etiam posset: cunctos enervavit. — [c] sua prudentia, C. M.; sua providentia, C. V. — [d] fractus praedicti. Sic lego cum C. M. In C. V., perperam, fratres praedicti. — [e] quem miserat in Graeciam, C. M.; quem miserant in Graeciam, C. V. — [f] civitatis Acon, quae dicitur Acri. Accon alii scribunt. Tiberiades est, vel Ptolemaides. — [g] Tuliania. Sic habent Codices; sed Tubania scribitur a Guill. Tyr., l. 22, c. 29.

[A] Tempore scilicet Balduini IV, qui regnare coepit anno 1173.

[B] Saladinus, si Guilielmum Tyrium (l. 20, c. 12) audimus, fuit filius Negemedini, fratris Siraconi, Aegypti domini, Norandini vero non filius, sed hostis. Contra Voltaerus (*Hist. des Croisad.*, p. 88 ad p. 111) nepotem eum vocat Noradini, Aleppi Soldani.

[C] Nempe Raymundi comitis, de quo jam loquuti sumus. Is enim tunc prodidit Christianos, ad Turcas transeundo, ut mox dicetur; et cum ipso etiam Raynaldus princeps Montis Regalis conjurasse creditur.

[D] Guido nimirum de Lusignano, qui tamen rex Ierusalem non prius fuit renunciatus, quam mortuo Balduino V, puero sexenni, cujus rector et tutor tunc erat.